

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

THE PRINCIPLES OF THE CREATION

KANUNI ZA UUMBAJI

Maswali ya muhimu kuhusu maisha na Ulimwengu hayawezi kutatuliwa bila kuifahamu asili ya Mungu, Muumba. Hii ni kwa sababu ili kuyaelewa na kuyatatua matatizo yahasuyo kiumbe chochote ni lazima kwanza tuelewe chanzo chake. Hivyo, ili tuweze kuyajibu maswali mengi ya msingi kuhusu viumbe vyote, ni lazima kwanza tuelewe asili ya Mungu, Muumba, na kanuni zote alizotumia kuumba Ulimwengu. “Kanuni za Uumbaji” huelezea asili ya Mungu na kanuni hizi, na hivyo basi zajiibu maswali ya msingi kuhusu maisha na Ulimwengu wote.

1. TABIA MBILI ZA MUNGU NA UUMBAJI (Dual characteristics of God and the creation)

A.Tabia mbili za Mungu.


Tunawezaje kujua asili ya Mungu ambaye haonekani ? Twaweza kuijua kupitia kwa uchunguzi wa viumbe. Kama ilivyo kazi ya msanii ni udhihirisho inayoonekana wa asili isiyoonekana wa mtengenezaji wake (inabainisha fikra zake juu ya kitu anachokitengeneza), kila kiumbe katika ulimwengu ni ubainisho halisi wa asili isiyoonekana ya Mungu, Muumba wake. Kama tunavyoweza kuhisi tabia za mwandishi kupitia kazi zake, ndivyo twaweza kuijua asili ya Mungu kupitia viumbe vyake.

Kwa sababu hii , Paulo akasema,

“Tangu kuumbwa kwa Ulimwengu asili yake isiyoonekana, iitwayo uweza wake wa milele na u-Ungu, vimeeleweka dhahiri ndani ya vitu alivyoviumba. Hivyo, hakutakuwa na msamaha...”


(Warumi 1 :20).

Tutaweza kuelewa asili ya Mungu inafananaje kwa kutafuta tabia ambazo zapatikana kwa kila kiumbe chake.



1. Tabia mbili ya aina ya Sung Sang (Asili ya Ndani) na Hyung Sang (umbile wa nje)

Tunaona kwamba viumbe vyote vina tabia isiyoonekana (tabia ya ndani) na inayoonekana (mwonekano wa nje). Sung Sang ni asili ya ndani ama tabia ya kiumbe chochote, ambapo Hyung Sang ni hali ya mada, muundo na umbo la kitu chochote. Sung Sang na Hyung Sang ni misamiati ya kikorea ambayo kiurahisi yaweza kutafsiriwa kama tabia ya ndani na umbo la nje.



Kwa mfano, katika mwanadamu kwa maana rahisi, Sung Sang ni akili isiyoonekana na Hyung Sang ni mwili wenye umbo. Katika wanyama, tabia ya hisia ya wanyama isiyoonekana ndiyo Sung Sang ambapo viungo vifanyavyo mwili wa mnyama ndio Hyung Sang. Katika mimea, uhai na tabia zingine zisizoonekana ndiyo Sung Sang yake, ambapo vitu vingine vilivyotengenezwa na chembechembe hai ndivyo Hyung Sang. Kanuni hiyo hiyo yaweza kutumika kwa viasili. Na tabia ya kikemikali kuwepo ndiyo Sung Sang ya viasili hivyo. Ambapo mada inayoonekana na muundo ndio Hyung Sang yao.

Mwanadamu	Roho na Akili	Mwili
Mnyama	Hisia ya mnyama	Mwili
Mimea	Uhai na tabia zingine	Mwili
Milekuli	Tabia asilia	Nishati / matta
Chembe	Tabia asilia	Nishati / matta
Chembechembe	Tabia asilia	Nishati / Matter

Katika mwanadamu akili ndiyo mtenda na mshawishi wa mwili kwa hiyo mwili unaenenda kulingana na maelekezo ya akili. Vivyo hivyo, Sung Sang za wanyama, mimea, dutu, atomi na chembechembe huzielekeza na kuzimiliki Hyung Sang zao.


Mwili ambao ni Hyung Sang hudhirisha na kufanana na akili ambayo ndio Sung Sang. Ingawa akili haiwezi kuonekana na ina muundo wake na mwili ambao hutoa picha halisi na hufanana na akili, huchukua umbo la akili hizo. Akili na mwili ni tabia za ndani na nje za mtu, ambapo akili ni chanzo katika nafasi ya mtenda dhidi ya mwili. Hii ndio sababu mtu aweza kujua vitu fulani kuhusu akili na majaliwa ya mtu mwingine, kwa kuangalia mwonekano wake wa nje. Kutokana na hayo, twaweza kuelewa kuwa Sung Sang na Hyung Sang ni tabia za ndani na nje za kila kiumbe. Sung Sang ndicho chanzo na husimama katika nafasi ya mtenda kwa Hyung Sang ; Hyung Sang ni matokeo na husimama katika nafasi ya mtendewa kwa Sung Sang. Kwa maana hiyo, Hyung Sang yaweza pia kuitwa *Sung Sang ya pili*. Kwa pamoja twaziita *tabia mbili*.

Kwa vile Mungu ndio Chanzo Asilia cha viumbe vyote na kila kiumbe kina tabia mbili za Sung Sang na Hyung Sang, Mungu lazima awe na Sung Sang na Hyung Sang (Warumi 1 :20). Sung Sang na Hyung Sang za Mungu zipo katika nafasi ya mtenda kwa Sung Sang na Hyung Sang za viumbe vyote. Sung Sang ya Mungu, ambayo ipo katika nafasi ya mtenda kwa Sung Sang za viumbe vingine, inaitwa Sung Sang asilia, na Hyung Sang yake, ambayo ipo nafasi ya mtenda kwa Hyung Sang za viumbe vyote, inaitwa Hyung Sang asilia. Ieleweke kuwa inasisitizwa kwamba Sung Sang na Hyung Sang asilia ya Mungu haiwezi kuwapo kama vitu vinavyojitegemea, bali katika mahusiano mema kati ya kila kimoja. Mungu ni mtenda wa uhusiano mwema wa Sung Sang ya asili na Hyung Sang ya asili, na ndiye chanzo cha mwanzo cha Ulimwengu uliopo.

2. Aina mbili za tabia za Chanya na Hasi.



Tunaona kuwa katika Viumbe vyote kuna uhusiano wa kutoa na kupokea kati ya hasi na chanya. Viasili vyenyewe vina tabia za Chanya na hasi*. Kwa mfano, chembe (atoms) zinafanyika kutokana na uhusiano wa kubadilishana kati ya dutu za aina ya chanya na hasi. Chembe zenyewe zina tabia za chanya na hasi. Kwa kufuata msingi wa tabia hizo, viasili viwili ama zaidi huingia katika uhusiano wa kutoa na kupokea na kuunda dutu /milekuli. Mimea ina viasili vya kiume na vya kike. Vivyo hivyo wanyama wengi huzaliana kupitia mahusiano kati ya jinsia mbili tofauti. Wanyama na mimea vyote huwapo huzaliana kwa kupitia uhusiano/uwezo mkuu wa ndani na nje vikitegemeana katika uhusiano wa viasili hasi na chanya. Biblia inasema kwamba Mungu hakuridhika na mume peke yake (mwanzo 2 ;18) hivyo akamfanya mwanamke, Hawa mtendewa wa Adam. Ndipo kwa mara ya kwanza Mungu akaona uumbaji wake ulikuwa ‘.....mzuri sana’.

Uwanadamu ni wanaume na wanawake, na jamii ya mwanadamu ipo na hukua kupitia mahusiano ya Tendo la Kutoa na Kupokea kati ya mtu mme na mtu mke. Uhusiano kati ya chanya na hasi unafanana na ule ambao upo kati ya tabia za ndani/kiroho na indje/ kimwili.



Mwanadamu	Mme	Mke
Mnyama	Dume	Jike
Mimea	Viasili vya kiume	Viasili vya kike
Milekuli	Chanya	Hasi
Chembe	Chanya	Hasi
Chembechembe	Chanya	Hasi

Muundo wa nje .Uchanya na Uhasi vina uhusiano wa kutoa na kupokea wa mtenda na mtendewa, chanzo na matokeo, undani na unje ; hivyo uchanya na uhasi pia kwa pamoja vianitwa tabia mbili. Viumbe vimeumbwa katika jinsi ambayo kila kitu huwapo kwa kupitia mahusiano ya kutoa na kupokea ya chanya na hasi. Sasa ni nini asili ya tabia hizi mbili za chanya na hasi ambazo zapatikana katika viumbe vyote ? Kwa vile viumbe vyote ni matokeo, viasili vinavyofanana kutoka kila kimoja, ni lazima viwe vimetoka asili moja ya msingi, Mungu, muumba. Katika ukweli kwamba viumbe vina tabia mbili za chanya na hasi, inamaanisha kuwa mwenyewe, ambaye ni chanzo asilia cha vitu vyote, ndiye asilia ya tabia mbili za chanya na hasi. Ukweli huu unaweza kueleweka kutoka mwanzo 1 :27, ambao unasema ‘Mungu alimuumba mtu kwa mfano wake.....mtu mme na mtu mke aliwaumba’.



'Mtenda'/'Mtendewa'

**Uchanya*

na Uhasi, ama Chanya na Hasi, inatumika na maana ya yang-yin (yang-um, na kikorea) sawa na falsafa ya yin-yang. Haimanishi hata kidogo kuwa ni wema na mabaya, uzuri na ubaya, au kujenga = ujenzi na uharibifu.

CHANZO




MATOKEO

Mungu	+	-
Viumbe	+	-


Mungu ndiye mwenye Chanya na Hasi zenye thamani halisi ya asilia ambazo husimama katika nafasi ya mtenda kwa Chanya na Hasi zingine zote za viumbe. Tunaziita hizi Chanya na Hasi za Mungu mtenda kama Chanya Asilia na Hasi Asilia. Chanya na Hasi Asilia za Mungu zina uhusiano mzuri ndani yake ; hivyo Mungu ndiye Chanzo Asilia cha kuwapo kwa Ulimwengu na anaendelea kuwapo kama mmiliki wa uhusiano mwema kati ya Chanya na Hasi.

3. Tabia mbili za Mungu.


Nini uhusiano kati ya tabia mbili za aina ya Sung Sang na Hyung Sang na tabia mbili za aina ya Chanya na Hasi ? Katika viumbe vyote, tabia mbili za hasi na chanya ama za kiume na za kike, ni ubora wa asili wa Sung Sang na Hyung Sang. Hii inamaanisha kuwa ufahamu na mwili ndivyo vitu muhimu zaidi vya mtu binafsi, na tabia za kiume na za kike ni vitu vya ziada. Kwa maneno mengine Sung Sang ina ubora asilia ulio tabia za chanya na hasi, na Hyung Sang pia ina ubora asilia ulio tabia za chanya na hasi.



Na sasa tuziangalie hizi tabia mbili ndani ya mwanadamu. Kwanza katika akili au Sung Sang, kuna hisia chanya ambayo ni angavu au yenye uhai na kuna hisia hasi ambayo ni kuchanganya mawazo au kupungukiwa msisimko. Kuna akili ya ufahamu iliyo chanya ambayo ina uwezo wa kufikiria, na akili ya ufahamu iliyo hasi, ambayo haina nguvu. Kuna hiari chanya, ambayo huongoza na kuwajibika, na kuna hiari hasi ambayo imelala au haiwajibiki. Pia kuna hali za chanya na hasi katika mwili wa binadamu au Hyung Sang. Sehemu zinazoonekana au zilizotuna, ndizo hali za chanya, ambapo sehemu zilizojificha au bonyea ndizo hali za hasi. Hivyo, tunaweza kuona kuwa Uchanya na Uhasi ni ubora asilia wa Sung Sang na Hyung Sang.



Vivyo hivyo, Uchanya wa asili/Awali na Uhasi wa asili/Awali ndivyo ubora wa asili wa Sung Sang/Awali na Hyung Sang za asili/Awali za Mungu. Kwa ufupi, Mungu ndiye Chanzo cha Kwanza na mtenda mwenye tabia mbili za asili/Awali za Sung Sang na Hyung Sang zilizo katika uhusiano mzuri, na Chanya ya asili/Awali na Hasi ya asili/Awali.



Sasa, nini asili muhimu za Sung Sang na Hyung Sang za asili/Awali za Mungu ? Sung Sang Awali za Mungu ni asili ya Mungu ya kiroho na asili ya isiyoonekana ya ndani ya kila kiumbe : akili ya mtu, akili isiyo na ufahamu ya mnyama/Silika za mnyama, uhai wa mimea, na tabia za kiumbo na kikemikali za madini na viasili. Sung Sang ya asili/Sung Sang Awali ni Akili ya Mungu, ambayo inahusisha maono/hisia, ufahamu wa akili, na hiari, kama dhana na sheria. Hata hivyo, umuhimu mkubwa zaidi wa undani wa Mungu ni Moyo*.


** Moyo (Shimjung, katika luga la Kikorea) ni kiini cha Utu wa Mungu – kiini cha Sung Sang Yake Mungu. Moyo ni sehemu ya muhimu zaidi cha asili Yake, sawa na ubora zingine zote ndani yake ziko vile ziko na zinatenda vile zinazotenda kwa sababu ya ubora wake tu. Moyo ni msukumo wa kupenda na kuunganishwa katika upendo na mtendewa wa upendo wake. Kwa hivyo, Moyo inasemekana kuwa chemchem ya upendo, na kwa wakati mmoja ni sababu kuu nyuma ya upendo. Moyo wa Mungu una ndani yake sababu yake peke ; kwa hivyo ni kwa njiya ya Upendo wa Mungu, kupitiya Moyo wake, ndio Kanuni (Logos = Nembo) walionyesha na Uumbo inakuwepo na hutimiza kusudi lake.*

Sung Sang Awali
Hisia, Akili wa ufahamu, Hiari
/Dhana, Sheria

Moyo

Hyung Sang Awali

Nguvu Kuu ya Ulimwengu




Hyung Sang ya asili/Hyung Sang Awali ni ubora asilia wa nje wa Mungu na asili ya uhalisi na umbo la kila kiumbe : mwili wa mtu, miili ya wanyama na mimea, na uhalisi na muundo wa madini/mada isokaboni. Nguvu Kuu ya Ulimwengu (angalia kifungu kifuatacho) na mada ndivyo viboresho halisi vya Hyung Sang ya asili/Hyung Sang Awali.

B.Uhusiano kati ya Mungu na Uumbaji.

Kila kiumbe ni mtendewa halisi wa Mungu, hii ni kuwa, kila kiumbe ni muonekano na namna halisi na haiba ya tabia mbili za Mungu, ambaye yupo kama mtenda asiyeonekana. Wakati ambapo kiumbe kinakuwa mtendewa mkamilifu wa Mungu, mtenda, mapenzi ya Mungu hutimizwa kikamilifu. Kwa maneno mengine, Dunia (Ulimwengu) timilifu ni kama mwili mmoja wa kiumbe hai uliotimilifu na ambao hujongea ama hutulia kwa kuenenda na kusudi la Mungu la Uumbaji.


Japo kuwa viumbe vyote huakisi tabia za Mungu vyaweza kugawanya katika makundi mawili ; (1) Mtu, na viumbe vingine vyote. Mtu ameumbwa kuwa taswira ya Mungu, na hivyo anaitwa mtendewa halisi katika taswira (taswira ya mtendewa halisi) ya Mungu. Viumbe vingine vyote hufanana na Mungu kwa mfano, na

hivyo huitwa mfano halisi wa watendewa wa Mungu.



Mtendewa halisi yeyote mwenye tabia mbili ambazo hufanana na tabia mbili za Mungu, anaitwa mwili wa kweli. Kama tulivyoona, kila mwili wa pekee wa kweli ndani yake una Sung Sang na Hyung Sang na Uchanya na Uhasi, ambayo hutokana na Sung Sang ya asili, Hyung Sang ya asili, Chanya ya asili na Hasi ya asili iliyomo ndani ya Mungu.

Ngoja tujumlishe uhusiano kati ya Mungu na uumbaji kama inavyotazamwa katika tabia mbili. Viumbe ni mtendewa halisi wa Mungu, vikiwa na miili ya kweli ambayo ni mdhahirisho wa tabia mbili za Mungu katika taswira (mtu) na mfano (vitu vingine vyote).



Tunapomwambia Mungu na viumbe kwa ujumla, uhusiano kati ya Mungu na kazi ya uumbaji (viumbe) hurandana na ule kati ya Sung Sang na Hyung Sang. Mungu haonekani, ni chanzo cha ndani na Sung Sang, mtenda wa kiumbe kwa viumbe ; Uumbaji unaonekana, tokeo la nje na Hyung Sang, mtendewa wa kike wa Mungu.

II. MSUKUMO MKUU WA KIULIMWENGU, TENDO LA KUTOA NA KUPOKEA, NA MSINGI WA NAFASI NNE


A. Msukumo mkuu wa kiulimwengu.

Kama Mungu alivyomwambia Musa katika Kutoka 3 :14 'MIMI NDIMI ALIYE !'. Mungu alikuwepo kabla ya muda na uwazi (nafasi na mbingu) na nyuma ya wakati ambao mwanadamu hakuwahi kuona uwazi ambao ulikuwepo awali. Mungu ni wa milele, yupo kwa nguvu zake mwenyewe na pia hakika. Kwa hiyo, msukumo wa muhimu kwa kuwepo kwake na wenyewe ni lazima uwe wa milele, upo kwa nguvuzake wenyewe na ni hakika. Msukumo huu wa asili haukuumbwa bali umekuwepo ndani ya Mungu toka mwanzo, hata kabla ya wakati wa uwazi (nafasi na Ulimwengu). Msukumo huu unaitwa Msukumo Mkuu wa (jumla) kiulimwengu ; ni nguvu za msingi za Mungu, Muumba. Ni msukumo muhimu wa uumbaji ambao Mungu humpa kila kiumbe, ama kiumbe cha ukweli cha pekee, wakati ali umbwa kama mtendewa halisi wa Mungu.

B. Tendo la Kutoa na Kupokea.


1. Maana ya tendo la kutoa na kupokea

Kila kitu ambacho kimeumbwa na Mungu kina tabia za muhimu za Sung Sang na Hyung Sang, na Chanya na Hasi. Sasa, hizi tabia zipo zenyewe, zimetengana na hazina uhusiano kati yake ama zina uhusiano wa kutoa na kupokea wa aina yake ? Ingawa kila kiumbe chaonekana kuwa huru na vingine vyote, Ulimwengu wote unatokana na uhalisi wa Mungu, ambaye ni wa uhusiano mwema wa tabia mbili za Mungu. Kwa hiyo kila kiumbe hakipo bila uhusiano na vingine, ila kimeumbwa kuishi katika mahusiano na viumbe vingine.




Uhusiano adilifu/bora unakuwepo wakati mtenda na mtendewa wana uhusiano mzuri wa kutoa na kupokea. Huu uhusiano mzuri wa kutoa na kupokea kati ya mtenda na mtendewa unaanzishwa na Msukumo Mkuu wa Kiulimwengu na unaitwa *Tendo la Kutoa na Kupokea*. Wakati hali za mtenda na mtendewa katika kiumbe na kati ya viumbe, zinakuwa na uhusiano wa *Tendo la Kutoa na Kupokea*, misukumo yote ya muhimu kwa ajili ya kuwapo, kuzaliana na kutenda kunatokea.

Hebu tuangalie mifano michache. Mwili huifadhi uhai wake kupitia tendo la kutoa na kupokea kati ya mishipa ya damu safi na mishipa ya damu chafu, na kupumua (kuvuta hewa ndani ya mapafu na kutoa hewa chafu nje). Mtu anaweza kufikia kusudi lake la kuumbwa kupitia tendo la kutoa na kupokea kati ya akili na mwili. Familia au jamii huwapo kupitia tendo la kutoa na kupokea kati ya watu binafsi na makundi. Vitu huwapo na huendelea kuwapo wakati ambapo viasili vya mtenda na mtendewa ndani ya vitu hivyo huzaa uhusiano mzuri wa mzunguko na mabadiliko ya kiumbo na kikemia kupitia tendo la kutoa na kupokea. Vyote mimea na wanyama huendeleza kazi zao kwa kupitia tendo la kutoa na kupokea katika viungo vyake mbalimbali na mifumo. Na tunakuta kwamba hata mfumo wa jua na sayari huwapo kupitia tendo la kutoa na kupokea kati ya jua na sayari katika mizunguko yake kwenye njia zake.



Akili = Mtenda

Mwili = Mtendewa



Wazazi = Mtenda


Watoto = Mtendewa

Ma Babu = Mtenda

Wajukuu/vizazi = Mtendewa

Mwalimu = Mtenda

Wanafunzi = Mtendewa



Mwajiri = Mtenda

Employee = Mfanyakazi


Kiini = Mtenda ; Jua = Mtenda

Elektroni = Mtendewa ; Sayari = Mtendewa

2. Uhusiano kati ya msukumo mkuu wa Ulimwengu na misukumo ya Tendo la Kutoa na Kupokea.

Misukumo ya tendo la kutoa na kupokea ni misukumo inayotokea wakati mtenda na mtendewa wana uhusiano mzuri wa kutoa na kupokea kati yao. Tendo hili huanzishwa na Msukumo Mkuu wa Ulimwengu, na hivyo huu msukumo ni chanzo na wima na upo katika nafasi ya mtenda kwa misukumo ya tendo la kutoa na kupokea, ambayo ni majumuisho na ulalo na ipo katika nafasi ya mtendewa. Msukumo Mkuu wa Ulimwengu hutoka kwa Mungu na ndiyo msukumo ambao Mungu huelekeza kwa kila kiumbe katika wakati wa uumbaji wake. Misukumo ya Tendo la Kutoa na Kupokea ni misukumo ambayo hujidhihirisha kati ya viumbe na ndani ya kila kiumbe, na ndiyo misukumo ambayo huvifanya vitu vyote kuwapo, kuzaliana na kutenda.

Chanzo, Mtenda, Wima



Tokeo, Mtendewa, mlalo/ Nguvu za Tendo la Kutoa na Kupokea

Ingawa Msukumo Mkuu wa Ulimwengu ndiyo kiasili cha msingi ndani ya kila kiumbe, hutokana na chanzo kimoja, Mungu. Matokeo yake, viumbe huwa na uhusiano mzuri katika idadi yake kubwa ya


maumbo, bila kujali aina zisizohesabika za Tendo la Kutoa na Kupokea, linatokana na Msukumo Mkuu wa Ulimwengu.

Kwa maneno mengine, kwa njia ya Msukumo Mkuu wa Ulimwengu, Tendo la Kutoa na Kupokea inaelekezwa/ongozwa na uhusiano wa kutoa na kupokea huelekezwa kwa kuunganisha dhumuni na kupitia uhusiano wake mzuri wa kutoa na kupokea kinasaba, hutoa misukumo ambayo ni muhimu kwa ajili ya kuishi, kuzaliana na tendo la viumbe vyote, kutokea kidogo saana mpaka kikubwa kuliko vyote.

Mwelekeo na matarajio yote ya Tendo la Kutoa na Kupokea yako chini ya udhibiti wa Msukumo Mkuu wa Ulimwengu. Uhusiano wa kutoa na kupokea huwapo sio tu kwamba mtenda na mtendewa huweza kutimiza kusudi la mtu binafsi, bali pia kwa ajili ya dhumuni la kuunganisha vitu vyote. Matarajio ya kusudi la uhusiano wa kutoa na kupokea ni kuwawezesha mtenda na mtendewa kuungana na kuendelea katika kiwango kikubwa cha juu. Muungano huo ambao ni mtenda na mtendewa huwa baada ya kuungana ndipo huangukia uhusiano wa kutoa na kupokea ukiwa na muungano mwingine unaofanana nao katika kiwango hiki kikubwa na kwa kuungana bado hujengeka zaidi katika muungano wa hali ya juu. Hivyo, vitu vyote vimekuwa na makusudi yote ya kujiimarisha na kuimarisha Ulimwengu, kwa hiyo Ulimwengu waweza kuongelewa kuwa ni umbo moja kubwa kinasaba lenye makundi mawili yanayoingiliana na yenye uhusiano mzuri (hili litaelezwa zaidi kwenye kipengele cha 'Madhumuni ya Uumbaji')

3. Uhusiano kati ya Mungu na Mwanadamu katika Tendo la Kutoa na Kupokea.

Sasa tufikirie uhusiano kati ya Mungu na mwanadamu katika Tendo la Kutoa na Kupokea. Ukweli ni kwamba Mungu alimpa mtu wa kwanza amri zake (Mw. 2 :17) humaanisha kuwa mtu ameumbwa kumwitikia Mungu na kwa kuzitunza na kuziheshimu amri zake. Wanadamu kwa asili walitakiwa kuutunza uhusiano wa tendo la Kutoa na Kupokea na Mungu. Mtu huwa mtendewa timilifu wa Mungu anapofanana na utilifu wa Mungu na Mungu huwa ndani yake (Mt. 5 :48). Hivyo mara anakuwa na uhusiano kamili wa Tendo la Kutoa na Kupokea na Mungu na huwa kitu kimoja katika mapenzi ya Mungu, na Mungu huwa kitovu cha fikra zake, tabia na maisha yake (Yoh. 14 :20). Kama mwanadamu wa kwanza angekuwa na uhusiano wima na Mungu, kupitia uhusiano timilifu wa Tendo la Kutoa na Kupokea naye, ukoo wao pia ungeweza kudumisha Tendo la Kutoa na Kupokea timilifu nae. Kwa njia ya uhusiano wa Tendo la Kutoa na Kupokea wima na Mungu peke yake, watu binafsi wangeweza kudumisha Tendo la Kutoa na Kupokea timilifu kati yao, na kuishi kwa ajili wa wengine, na kwa hivyo kutimiza Ufalme wa Mbinguni duniani. Kupitia anguko la mababu zetu wa kwanza, huu uhusiano wa Tendo la Kutoa na Kupokea na Mungu



ulisitishwa, na hivyo kila mtu hajaweza kuwa na uhusiano mzuri kati yao na Mungu na kati yao na wengine.

Masihi ni mwana wa Mungu na huwa mwili mmoja na Mungu kupitia tendo la kutoa na kupokea lililokamilika. Watu wa anguko wanapaswa kuishi maisha ya imani na kumtumikia Masihi kwa kila hali kama mtenda wao mkuu. Mtu wa anguko anapaswa kuwa mtendewa ambaye anamtumikia Masihi kikamilifu, kwa sababu kwa kuwa na uhusiano wa kutoa na kupokea na Masihi mtu wa anguko huwa mmoja na Masihi ambaye ni mpatanishi kwa Mungu, na hivyo anaweza kuukomboa uhusiano wake wa kutoa na kupokea na Mungu. Kwa hiyo Yesu anaitwa 'mpatanishi' (1Tim 2 :5) na 'njia na kweli na uhai...' (Yoh 14 :6) kwa mtu wa anguko


Kama usemi wa tendo la kutoa na kupokea unavyomaanisha, tendo ni kutoa kwanza na ndipo upokee, na sio kupokea na ndipo utoe. Kutokana na ukweli kwamba Mungu aliumba inaamanisha kuwa alijitoa mwenyewe. Kwa maneno mengine, alijitoa sadaka kwa ajili ya uumbaji wake. Hivyo, ni sheria ya kimbingu kuwa kutoa kunatangulia kupokea. Hata hivyo watu wa anguko hushindwa kurudisha hata baada ya kupokea, na ndivyo njia ya maisha ambayo husababisha matatizo.

Yesu alikuja kutumikia wanadamu kwa upendo na kwa kujitoa sadaka : ".....' Mwana wa mtu alikuja sio kuhudumiwa, bali kutumikia..." (Mt. 20 :28). Yesu pia alifundisha waziwazi, kuihusu kanuni ya kutoa na kupokea wakati aliposema, " 'usihukumu, usije ukahukumiwa. Kwa maana hukumu uitamkayo, ndiyo utakayohukumiwa nayo, na kwa kipimo kilekile utumiacho kwa wengine, ndicho kitatumika kwako". (Mt. 7 :2) na '.....kile utakacho utendewe na watu nawe fanya hivyo kwao.....' (Mt. 7 :12).

C. Asili- Mgawanyiko- Muungano, Dhumuni la Watendewa Watatu na Msingi wa Nafasi Nne.

1. Tendo la Asili – Mgawanyiko - Muungano

Tabia mbili za Mungu, ambaye haonekani kiumbe mtenda huzaa viumbe Mtenda na Mtendewa halisi kutokana na tendo la msukumo mkuu wa ulimwengu, Mtenda na Mtendewa huunda uhusiano wa msingi wa kutoa na kupokea na kujihusisha katika tendo la kutoa na kupokea. Hatua kabla ya tendo la kutoa na kupokea ni kuanzisha uhusiano wa msingi wa kupeana. Inawezekana pale ambapo mtenda na mtendewa wanapoweka umuhimu katika kusudi la jumla zaidi ya kusudi la binafsi. Wakati ambapo mtenda na mtendewa hutekeleza tendo la kutoa na kupokea, huwa kitu kimoja, na hivyo na kuwa na muungano ambao huwa mtendewa mpya wa Mungu. Muungano huu ni uhalisi wa kudhihirisha kuwapo kusudi la jumla, ambalo mtenda na mtendewa wanalo kwa pamoja. Muungano ni tunda ama matokeo yanayotokana na tendo kwa mtenda na mtendewa la viasili vya kusudi katika msukummo mkuu wa ulimwengu. Kwa ufupi, Asili/ Mgawanyiko/ Muungano ni mwelekeo wa maendeleo (kukua) kwa msukumo ambao unaanzia kwa Mungu (Asili) kugawanyika na tena huunganika.



2. Dhumuni la Watendewa Watatu

Wakati ambapo kila kimoja kati ya vinne/ Asili, Mtenda na Mtendewa na zao la Muungano wao/ huchukua nafasi ya mtenda kwa vingine vitatu, kiwango cha watendewa watatu huundwa. Halafu, kupitia msukumo mkuu wa ulimwengu kila mtenda hutenda tendo la kutoa na kupokea na watendewa wake watatu na anaungana na kila mmoja akitimiza dhumuni la watendewa watatu.


Kama ilivyo kwisha fafanuliwa, msingi kwa ajili ya kuwapo kwa mtu (kitu) binafsi hauwezi kuanzishwa na huyo mtu au kitu hicho chenyewe. Msingi kwa ajili ya uhai waweza kuanzishwa tu iwapo kuna mtendewa ama mtenda halisi ambao wana tendo la kutoa na kupokea kati yao. Wakati kiumbe katika nafasi ya mtenda kina watendewa watatu kwa dhumuni la tendo la kutoa na kupokea kinakuwa na msingi kamili wa kuwapo. Hivyo, ni kwa kutimiza dhumuni la watendewa watatu tu ndipo kutamwezesha kiumbe ateleze dhumuni la kuwapo kwake. Kama Adam na Hawa wangekamika na kuwa hekalu la asili ya Mungu na pia wangukuwa mtu Mme na Mke na kuzaa watoto wenye wema ndani yao, familia halisi ya wema ingekuwa imeanzishwa. Katika familia ile, Adam, Hawa na watoto wao wote kila mmoja angetimiza dhumuni la watendewa watatu. Kila mmoja angefikiria kuwa katika nafasi zake tatu za utendewa Mungu angetimiza dhumuni la watendewa watatu. Hii ina maana kwamba, mtendewa na mtenda waliogawanyika na muungano wao ni lazima kila kimoja angemweka Mungu katika nafasi ya kwanza ya mtendewa kati ya nafasi zao tatu za utendewa. Kwa kufanya hilo, viumbe vyote vinawekwa katika uhusiano mwema ulioundwa kwa dhumuni la Ulimwengu mkamilifu na la jumla.

3. Msingi wa Nafasi Nne

Wakati mgawanyiko wa mtenda na mtendewa, na muungano wao, ambao huwapo kwa kupitia Tendo la Asili- Mgawanyiko- Muungano, wanapotimiza Dhumuni la Watendewa Watatu, wanaunda msingi wa milele wa nguvu. Msingi huu unaitwa Msingi wa Nafasi Nne. Msingi wa Nafasi Nne huundwa ambapo watu wanne - Mungu, Mtenda na Mtendewa waliogawanyika, na Muungano wao- kila mmoja hutimiza Dhumuni lake la Watendewa Watatu. Twaweza kusema kuwa msingi wa Nafasi Nne ni msingi wa uweza ambao hushirikisha mahusiano sita tofauti ya Kutoa na Kupokea.

Msingi wa Nafasi Nne adilifu huanzishwa wakati mtenda na mtendewa wanapoundana kupitia uhusiano halisi wa Tendo la Kutoa na Kupokea, ambao upo chini ya Mungu. Msingi wa Nafasi Nne ni Msingi muhimu unamwezesha Mungu kutenda kazi zake. Pia ni msingi muhimu wa wema ambao kwa huo madhumuni ya Mungu kuumba hutimizwa. Kama itakavyofafanuliwa zaidi hapo baadaye, Kusudi la Mungu la Uumbaji hutimiza kupitia Baraka Tatu ambazo Mungu aliahidi kwa mwanadamu, na hili linafanywa kwa kuanzisha Msingi wa Nafasi Nne.

Wakati akili (mtenda) na mwili (mtendewa) ya mtu vinapokuwa na uhusiano halisi wa Tendo la Kutoa na Kupokea (chini ya Mungu (asili)), humfanya mtu mwadilifu, mwenye akili na mwili vilivyoungana (muungano), na Msingi wa Nafasi Nne wa mtu binafsi hutimia.




Mungu

Mtenda / Mtendewa

Muungano

Msingi wa Nafasi Nne

Wakati Mwanaume na Mwanamke wanapokuwa na uhusiano halisi wa kutoa na kupokea, huunda familia ambayo ni mtendewa timilifu wa Mungu, na kiwango cha familia katika msingi wa Nafasi Nne huanzishwa. Wakati ambapo mtu na vitu (viumbe vingine) vinapoingia katika uhusiano halisi wa kutoa na kupokea, viumbe vyote kwa ujumla huwa watendewa timilifu wa Mungu, na msingi wa Nafasi Nne kwa ajili ya utawala wa Mungu huanzishwa. Katika matukio yote, Mungu ni asili na kitovu. Hii ina maana kwamba moyo wa Mungu na nia ya wema ni kitovu. Kwa hiyo, msingi wa Nafasi Nne ni msingi muhimu wa wema ambao hutimilisha Kusudi la Mungu la Uumbaji.




Msingi wa Nafasi Nne pia ni msingi wa mara kwa mara wa tarakimu tatu, nne, saba na kumi na mbili katika Biblia na nyakati za ukombozi (angalia sura za 8/16). Msingi wa Nafasi Nne ni lazima uundwe kupitia hatua tatu za kuwepo Asili Mgawanyiko/ Tendo la Muungano kwa vile kuwapo kwa msingi

wa Nafasi Nne hupitia katika hatua tatu pia kuna hatua tatu katika kipindi cha kukua (angalia kipengele cha IVB), na tatu ni tarakimu ambayo huwakilisha ukamilifu. Kwa kuangalia muundo unaohitajika msingi wa Nafasi Nne una viasili vinne. Huu ni msingi wa tarakimu 'nne' ikiwakilisha muundo unaohitajika ili kudhihirika kwa uhalisi wa Mungu. Kwa vile msingi wa Nafasi Nne una viasili tofauti vinne na hudhihirika kupitia njia ya hatua tatu, pia ni msingi muhimu kwa matumizi ya mara kwa mara ya uwakilisho wa tarakimu 'saba' na 'kumi' na 'mbili' pia ni tarakimu ya mwelekeo tofauti katika uhusiano wa kutoa na kupokea kati ya vitu vinne vilivyomo katika msingi wa Nafasi Nne. Tarakimu 'saba' na 'kumi na mbili' huwakilisha ukamilifu ama utimilifu wa Msingi wa Nafasi Nne.

III. KUSUDI LA UUMBAJI (The purpose of creation)

A. Kusudi la Mungu kuumba.

Kila kiumbe kina kusudi lake la kuwapo. Kama kiumbe kitapoteza kusudi lake la kuwapo, chapaswa kutelekezwa. Kama kusudi la kuwapo ni muhimu hivyo, sasa ni nini kusudi la kuwapo kwa mwanadamu ? Kusudi la kuwapo halidhamiriwi na kiumbe chenyewe, bali kusudi lake la kweli linadhamiriwa na muumba wake. Kwa hiyo ni muhimu kujua kusudi la Mungu la uumbaji, ili kuelewa kusudi la kweli la mtu na Ulimwengu wote. Kwa nini Mungu, ambaye ni mwenye uwezo na mkamilifu, alianza kuumba ?




Hali ya muhimu zaidi ya Mungu ni moyo, moyo ni msukumo wa kumpenda mtendewa na ni chemchemi na mhamasishaji wa upendo. Ni asili ya moyo kutafuta mtendewa wa kumpenda. Asili hii ya moyo ni hamasa ya Mungu ya kuumba. Hii ni kwamba, Mungu, ambaye ubora wake muhimu ni moyo, hujisikia raha awezapo kumpenda mtendewa wake aliyemuumba. Kama mtendewa hayupo, Mungu hawezi kuurudisha msukumo wake wa kutoa uangalizi (kutunza) na kupenda (kutoa upendo), ambao hutoka kama chemchemi bila kikomo kutoka ndani mwake mwenyewe. Mungu aliumba ili uumbaji uwe mtendewa wa upendo. Awezao kuupenda.

Twaweza kuona katika mwanzo 1 kuwa alipoongeza kwenye uumbaji wake alisema kuwa ilikuwa nzuri kuangalia/ kutazamwa. Mungu alitaka viumbe vyake kuwa watendewa wa wema na furaha kwake. Sababu aliyotaka uumbaji kuwa mtendewa wa moyo wake ni ili aweze kuvipenda na furaha kwa kuridhishwa kwa kupenda.

B.Furaha hupatikanaje?

Tufikirie jinsi tunavyohisi furaha. Furaha haiumbwi na mtu binafsi pekee, bali kupitia kwa mtendewa ambaye huakisi hali zetu wenyewe. Raha huhisiwa kupitia msimko ambao mtenda huhisi ambapo asili yake mwenyewe huakisiwa ndani ya mtendewa, bila kujali mtendewa anaonekana ama haonekani. Kwa mfano, msanii rangi husikia furaha vyote anapokuwa na msimko wa maono au wazo kama watendewa wake na ambapo maono yake ama mawazo yanapokuwa mbele yake kama mchoro halisi. Furaha huja kama matokeo ya msimko unaohisiwa kutoka mtendewa anayeakisi Sung Sang na Hyung Sang za mpaka rangi. Wazo lenyewe linapokuwa mtendewa, msimko unaotokana na wazo hilo sio halisi ; kwa hiyo, raha




inayotokana nayo hawezi kuwa halisi (timilifu). Kwa mfano, ingawa mchoraji aweza kuhisi raha kutokana na maono au wazo alilo nalo, raha hiyo siyo kamili kama raha ambayo huhisi ambapo kazi iliyokamilika huwakilisha maono yake husimama mbele yake. Tunapokea msimko imara zaidi kutoka mahusiano na watendewa imara au halisi. Kutokana na hali hiyo tunahisi raha kuu kutoka kwa watendewa ambao ni halisi wenye umbo. Vielelezo hivi ndani ya mwanadamu hutoka kwa Mungu. Kwa hiyo twaweza kufahamu kuwa Mungu huhisi raha anapohisi asili ya Sung Sang na Hyung Sang inayoakisiwa na Viumbe vyake.

C. Mtu - Mtendewa wa Moyo kwa ajili ya Furaha ya Mungu, Baraka Tatu.

Uumbaji umefanywa katika taswira ya Sung Sang ya asili na Hyung Sang ya asili. Mwanadamu ni mtendewa halisi katika taswira ya Mungu, ambapo vitu vingine vyote vilivyoubwa ni vitendewa ambavyo ni mfano wa Mungu. Kwa hiyo mwanadamu ni mtendewa aliye na mwitikio wa kiumbe ambaye yupo karibu sana na moyo wa Mungu.

Mungu alitoa amri (sheria) kwa mababu wa kwanza wa wanadamu, Adam na Hawa, akisema ‘.....na ya mti wa maarifa wa mema na mabaya msile, siku mtakayokula mtakufa, (Mwanzo 2 :17)’. Hii inaonyesha kuwa Mungu moja kwa moja alitoa mapenzi yake na moyo wake wa upendo kwa mwanadamu. Hakuna sababu kuwa Mungu angetoa moyo wake kwa mwanadamu kama angekuwa amemuumba mwanadamu ambaye hawezi kuhisi moyo wa Mungu. Hivyo twaweza kuelewa kuwa mwanadamu aliumbwa mtendewa ambaye aweza kuelewa na kuitika katika matakwa ya Mungu na moyo na hivyo ni kiumbe kilicho karibu na moyo wa Mungu. Hivyo mtu aliumbwa kama mtendewa ambaye angeupokea moja kwa moja moyo wa Mungu na kumletea furaha. Mtu ameumbwa kama mwana wa Mungu.

Kama ilivyoelezwa tayari, Msingi wa Nafasi Nne ni msingi wa muhimu ambao Mungu anaweza kutenda kazi. Mtu anapotimiza Msingi wa Nafasi Nne kwa kukamilisha Baraka Tatu, chini ya kusudi la Mungu la Upendo, anakuwa mtendewa wa Moyo anarudishaye furaha kamili kwa Mungu. Kwa hivyo Dhumuni la Mungu juu ya mtu inakamilishwa. Mwanzo 1:28 inaonyesha kwa ufupi kusudi la Mungu kwa kumuumba mwanadamu katika kile iitwacho *Baraka Tatu*.




1. Baraka ya Kwanza. (1st Blessing)

Baraka ya kwanza ya Mungu ni uwezo wa mwanadamu kuwa mkamilifu kitabia. Kwa kutenda katika uhusiano mzuri wa Tendo la Kutoa na Kupokea kati ya akili na mwili wake na kuunganisha chini ya uongozi wa Mungu, Mtu huunda Msingi wa Nafasi Nne katika kiwango cha mtu binafsi na huwa hekalu la Mungu (1Wakorintho 3 :16). Wakati watu hao wakamilifu katika kiwango cha mtu binafsi wanapokuwa kitu kimoja (mwili mmoja) na Mungu na katika Moyo (Yoh 14 :20), huja kuwa na tabia ya Mungu, na kwa wakati wote huwa na Mungu katika kitovu cha mawazo yao na matendo yao.

Mtu anapoifanikisha baraka ya kwanza ya Mungu, kwa kawaida atashiriki hisia za Mungu kama zake mwenyewe. Kwa hiyo, itakuwa vigumu mno kwa mtu huyo kutenda uovu, maana kwa kufanya hivyo atahisi huzuni sawasawa kama atakavyopata Mungu. Badala yake, mtu huyo atataka kuwa mtendewa mkamilifu wa Mungu. Mtu anapotimiza ukamilifu wake binafsi, huwa mtendewa kamili wa moyo wa Mungu na huridhisha mvuto wa Mungu katika upendo. Kwa maneno mengine, Mwanadamu, alingetimiza Baraka ya Kwanza, angekuwa mtendewa wa Moyo ambaye Mungu hutamani kupenda. Hivyo angekuwa tunda la upendo wima wa Mungu.

Baraka ya kwanza




- Hekalu la Mungu
- Mmoja na Mungu
- Asili ya utakatifu

2. Baraka ya Pili. (2nd, Blessing)

Baraka ya pili ya Mungu ni uwezo wa mtu kupata familia adilifu. Adam na Hawa walihitajika kufikia ukamilifu wa binafsi na baadaye kuwa mume na mke na kuzaa watoto wenye asili ya wema, na kuunda familia isiyo na dhambi. Familia hii iliyo chini ya Mungu katika Msingi wa Nafasi Nne ingekamilisha Baraka ya pili ya Mungu.


Kwa kuwa mume na mke katika msingi wa kujikamilisha wenyewe kupitia upendo wima wa Mungu, Adam na Hawa wangetimiza kwa kukamilika upendo mlalo wa Mungu. Kutokana na mtazamo wa uhalisi wa Moyo, ukweli kwamba Mungu alimruhusu mwanadamu kupata watoto baada ya kutimiza upendo mlalo wa Mungu ni Baraka kuu, kwani kwa kuwa na watoto mtu aweza kuhisi upendo wima ambao Mungu huhisi kwa mwanadamu.

Baraka ya Pili



Kama Adam na Hawa wangefikia ukamilifu, wakaunda familia ya kwanza, na kuzaa watoto wenye asili ya wema, wangukuwa Baba na Mama wa Kweli (chini ya utawala wa Mungu) kwa watu hii ni kwamba, wangukuwa Wazazi wa Kweli wa milele na Mababu wa wanadamu wote, wakiuanzisha Ufalme wa Mbinguni. Kipimo cha msingi cha Ufalme wa Mbinguni ni familia ya kweli, msingi muhimu wa Nafasi Nne.

Familia ya kweli ni msingi muhimu kwa ajili ya upendo wima na mlalo wa Mungu na mtendewa mkamilifu wa Moyo wa Mungu. Kwa kuwapo familia hii ya kweli kama msingi, jamii ya kweli, taifa la kweli na ulimwengu wa kweli vingekuwa vimedhihirika. Hii ndio Nia ya Mungu. Kama Adam na Hawa wangefanya familia na ulimwengu wa namna hiyo, Ufalme wa Mbinguni ungekuwepo hapa Duniani.




- Jamii
- Taifa
- Familia ya Ulimwengu


3. Baraka ya Tatu. (3rd Blessing)

Baraka ya tatu ambayo Mungu alimpa mwanadamu ni haki ya kutawala viumbe vyote. Ili Mungu apate hisia za raha, mtu kama mtendewa wa Moyo Wake, alihitajika kuwa na uzoefu wa raha maishani mwake. Kwa hiyo Mungu aliviumba viumbe vyote kuwa watendewa wa raha ya mwanadamu ili huyo mwanadamu awe na raha siku zote. Kwa maneno mengine, kwa vile viumbe vyote huakisi kihalisi Sung Sang na Hyung Sang ya mwanadamu, ni watendewa halisi wa mwanadamu na mtu aweza kuwa na raha halisi kupitia msimko wanaotoa.

Kabla ya kumuumba mwanadamu, Mungu aliumba vitu vingine vyote kwa kufuata taswira (mwonekano /mfano) wa mwanadamu. Kwa hiyo, miundo, uendaji, na tabia za wanyama vimo ndani ya mtu. Kwa nyongeza mwanadamu ana umbo na tabia za mimea na madini. Kwa vile vitu vyote hufanana na Sung Sang na Hyung Sang ya mtu, mtu aweza kuvipenda vitu vyote na kuwa na raha kupitia msimko vinavyotoa. Utawala wa upendo wa mtu juu ya vitu vyote na kuwa na raha kutokana na vitu hivyo ndiko kudhihirika kwa Baraka ya Tatu ya Mungu kwa wanadamu.




Utawala wa Upendo



Mwanzo, 1 :28

Ulimwengu ambamo Baraka Tatu zina timizwa ni ulimwengu mkamilifu ambamo Mungu na mtu, na mtu na ulimwengu mkamilifu, viko katika maelewano (kamilifu) (uhusiano mzuri) yaliotimilika. Ulimwengu wa namna hiyo ni Ufalme wa Mbinguni hapa Duniani. Kama itakavyofafanuliwa kwa undani zaidi hapo baadaye, mtu aliumbwa ili aishi katika ufalme wa Mbinguni hapa Duniani katika maisha ya umoja na Mungu, chanzo cha uhai na wema. Mwili wake unapokufa baada ya maisha hayo Duniani, roho yake itauacha mwili wake na kwenda kwenye ulimwengu wa kiroho. Huko ataishi milele kwenye Ufalme wa Mbinguni, katika utawala wa upendo timilifu wa Mungu.

Ufalme wa Mbinguni unafanana na mtu ambaye amefikia ukamilifu. Ndani ya mwanadamu, amri za akili husafirishwa kwenda mwili mzima kupitia mfumo mkuu wa fahamu na unasababisha mwili kutenda ili kuji dumisha wenyewe.



Vivyo hivyo katika ufalme wa Mbinguni, matakwa ya Mungu hutolewa kwa asili (bila pingamizi) kwa watoto wote kupitia Wazazi wa Kweli, Mababu wa Kweli wa wanadamu, ikisababisha wote kuenenda na kuwa na uhusiano mwema kulingana na uhalisi wa Mungu. Kama ambavyo hakuna sehemu ya mwili itakayo asi amri za mfumo mkuu wa fahamu, mtu mkamilifu hatahisi uadui au uasi dhidi ya utawala wa upendo wa Mungu. Ulimwengu wa namna hiyo usingekuwa na vita/mapigano/uovu wala uhalifu/kuhasimiana.


D. Ulimwengu ni Mwili Mmoja Uliunganishwa/uliungana wa Viumbe Vyenye Madhumuni ya Aina Mbili ya Kutegemeana.

Kila kiumbe kilichopo kina hali mbili : ya ndani na ya nje (Sung Sang na Hyung Sang). Vivyo hivyo, kila kiumbe kina makusudi ya aina mbili, kusudi la ndani (Sung Sang) na kusudi la nje (Hyung Sang). Dhumuni la ndani/Dhumuni la Sung Sang ni dhumuni kwa ajili ya wote, na dhumuni la nje/dhumuni la Hyung Sang (kusudi la nje) ni kusudi kwa ajili ya mtu binafsi. Kusudi kwa ajili ya wote ni kusudi linaloelekezwa kwenye kuuhifadhi, kuiimarisha, na kuendeleza wote. Kusudi la mtu binafsi ni kuhifadhi na kuilinda, na kuendeleza kuwapo kwake. Kusudi la mtu binafsi ni kulinda na kuimarisha kuwapo kwake. Kwa upande mwingine, ana kusudi la maisha kutoa mchango wa aina fulani kwa familia yake, jamii yake, na taifa lake kama mwanachama wa jumuiya hizo.

Sio tu mwanadamu, bali kila kitu kilichoko Ulimwenguni hata chembechembe ndogo sana za viasili zina madhumuni ya aina mbili. Madhumuni ya binafsi na ya wote (ya jumla) hayajitegemei kwa kila moja kivyake, bali yanahusiana na yanategemeana.

Dhumuni la jumla ni dhumuni la ziada kwa ajili ya ubora wa mtu pia. Dhumuni la binafsi halijatenganishwa na dhumuni la jumla, na dhumuni la wote haliwezi kuendelea kuwapo bila kuanikisha dhumuni la binafsi. Ulimwengu ni mwili wenye mfumo mmoja uliosukwa kwa madhumuni ya aina mbili. Kwa hiyo tunaita mwili wenye maingiliano wenye madhumuni ya aina mbili.

Aina Mbili za Mathumuni



Kwa madhumuni yote yanayoelekezwa zaidi ya nafsi, dhumuni kuu kwa vyote ni kuhudumia mahitaji ya mwanadamu, kwa maneno mengine, kumpa raha mwanadamu, na dhumuni kuu la mwanadamu ni kumpa raha Mungu. Kwa hiyo mtu na vitu vyote kwa pamoja wana dhumuni la kumhudumia na kumpa raha Mungu.

IV. KIPINDI CHA KUKUA KWA VIUMBE.

Mpangilio wa uumbaji wa vitu vyote umehifadhiwa ndani ya kitabu cha Mwanzo sura ya kwanza (Mwa, 1). Uumbaji wa Mungu ulianza kwa kuumba mwanga kutokana na ukiwa, utupu na giza, na alihitaji muda unaoelezwa kuwa ni 'siku' sita, kabla ya kuishia na kumuumba mtu. Lakini kwa kuwa 2Petro 3 :8 anasema kuwa '.....kwa Mungu siku moja ni kama miaka elfu, na miaka elfu ni kama siku moja', twaweza kuelewa kuwa hizi siku hazikuwa siku za kawaida za ma saa ishirini na nne. Kile kitabu cha Mwanzo sura ya kwanza (Mwa, 1) inachotueleza ni kuwa Ulimwengu mzima haukukamilika/haukukuwapo papo hapo, kwa mara moja, bali uliumbwa hatua kwa hatua kupitia vipindi sita.

A. Kipindi cha kukua kwa viumbe.


Kutokana na ukweli kwamba ilichukua muda kwa Ulimwengu kuumbwa inamaanisha kuwa kipindi cha kukua kwa kila kiumbe hufikia ukomavu ni muhimu. Kama muda haukuwa muhimu kwa kila kiumbe kufikia ukomavu, hivyo hakuna sababu kwa nini Ulimwengu ulihitaji muda katika kuumbwa kwake. Ngoja tuangalie sababu za nyongeza zinazotufanya tuseme kuwa kipindi cha kukua ni muhimu ili kiumbe kifikie ukomavu.

Kama neno ‘siku’ la sura ya kwanza ya kitabu cha Mwanzo halimaanishi masaa ishirini na nne yaliyozoeleka, hivyo maneno “jioni” na “asubuhi” hayawezi kutafsiriwa katika ufahamu wa kawaida. Na tuangalie aya hii ya sura ya kwanza ya kitabu cha Mwanzo 1 : ‘Na ikawa jioni na pakawa asubuhi, siku moja’ (Mwa 1 :5). Baada ya hatua moja ya kazi za uumbaji za Mungu idumuyo na kupitia jioni na usiku, kuja kwa asubuhi kulifikiriwa na Mungu kama sehemu ya siku ya kwanza. Ukiendelea na Mwanzo, sura ya kwanza, Mungu alisema, “Na ikawa jioni na ikawa asubuhi, siku ya pili.....siku ya tatu.....siku ya nne.....siku ya tano.....siku ya sita.”

“Asubuhi” humaanisha muda wa kipindi ambacho adili la uumbaji lilitimia. “Jioni” humaanisha kipindi ambacho Mungu alimaliza kuumba. Kwa kuijumuisha asubuhi ambayo ilikuwapo baada ya jioni na usiku, Mungu alihesabu vyote hivi kama siku moja. Mungu huonyesha muda unaohitajika kwa ajili ya adili la uumbaji kutimia. Kipindi kuanzia pale Mungu anapoanza kuumba hadi wakati ambapo uhalisi wa Ulimwengu unapodhihirika ni kipindi cha kukua cha viumbe vyote na huwakilishwa na usiku, kipindi kati ya jioni na asubuhi.

Kuanguka kwa mwanadamu kunaonyesha kuwa kuna kipindi cha ukuaji, kwani mtu angekuwa ameumbwa mkamilifu, basi kusingekuwa na uwezekano wowote wa kuanguka kwake. Kama mkamilifu wa wema, anaye fanana na Mungu alikuwa aanguke, kwa hiyo tungehitimisha kuwa wema wenyewe haukukamilika na hivyo kujiuliza kwamba kweli Mungu ni mkamilifu.


Kabla ya anguko, mtu alikuwa hajajikamilisha mwenyewe ; alikuwa akikua kuelekea ukamilifu, na angeweza kuchagua ama njia ya uhai au njia ya mauti (Mwanzo 2 :17). Adili la Mungu juu ya viumbe ni ukamilifu ; hivyo asingeweza kumuumba mtu kuwa wa kutoweza kamilika/mdhaifu. Bado, mtu alianguka ; hivyo ni lazima itakuwa hakuwa amekamilika .Twaweza basi kuhitimisha kuwa alipoanguka, mtu alikuwa kwenye hatua changa/kutokukamilika, katika kipindi alipokuwa akikua kuulekea ukamilifu.



Mwanzo 2 : 17

B. Hatua Tatu za Kipindi cha Kukua

Kazi nzima ya Mungu ya uumbaji ilifanyika kupitia hatua tatu : jioni, usiku na asubuhi. Msingi wa Nafasi Nne ulijengwa katika hatua tatu za asili, mgawanyiko, na muungano. Vivyo hivyo, kipindi cha kukua kuna hatua tatu : *mwanzo kukua na ukomavu*. Hivyo viumbe vyote huupata ukamilifu kwa kupitia mwanzo kukua na hatua ya ukomavu ambayo inaunda kipindi cha kukua.




Mifano ya tarakimu ‘tatu’ ambayo inatokea katika Ulimwengu wa asili : makundi matatu ya utawala - wanyama, mimea na madini ; hali tatu za mada - yabisi, majimaji na hewa/gesi ; sehemu tatu za miili ya wanyama wengi - kichwa, kiwiliwili na miguu ; sehemu tatu za mimea – mizizi, shina na majani ; sehemu/safu tatu za udongo - sehemu ngumu ya juu, manto na kiini.

Katika kuanguka kwake, mwanadamu alishindwa kupitia hatua tatu za kipindi cha ukuaji. Kwa vile Biblia ni neno la Mungu la kuwakombolea wanadamu, inajumuisha mifano mingi ya tarakimu ‘tatu’ : Utatu- Baba, Mwana na Roho Mtakatifu ; hatua tatu za mbingu ; malaika wakuu watatu - Lusiferi, Gabriel, Mikaeli ; watoto wa kiume watatu wa Adam - Kaini, Abeli na Seti ; Watoto wa kiume watatu wa Nuhu - Sham, Ham na Jafeti ; ngazi tatu za Safina ya Nuhu ; aina tatu za sadaka zilizotolewa na Ibrahimu ; siku tatu katika giza nchini Misri katika kipindi cha Musa ; siku tatu za utangano na Shetani katika wakati wa Kutoka ; miaka arobaini mara tatu ya ukombozi wa Kanani ; miaka thelathini ya maisha binafsi ya Yesu na miaka yake mitatu ya huduma kwa umma ; mamajusi watatu na zawadi zao tatu kwa Yesu ; wanafunzi wakuu watatu wa Yesu ; majaribu matatu kwa Yesu ; sala tatu katika Getisemani ; na siku tatu za Yesu kuwa kaburini.

C. Utawala wa Mungu moja kwa moja.

Baada ya kupitia kipindi cha ukuaji, mtu hufikia ukamilifu na hapo hapo huishi kwenye *ufalme wa utawala wa Mungu wa moja kwa moja*. Mtu aliumbwa kuwa mtendewa wa Moyo wa Mungu. Ni katika ufalme wa utawala wa moja kwa moja wa Mungu ambamo mtu anakuwa mmoja na Moyo wa Mungu (anakuwawa mtendewa wa Moyo wa Mungu) na Mungu humtawala mtu kwa upendo. Ufalme wa utawala wa moja kwa moja wa Mungu, ni miliki ya ukamilifu, ufalme ambao mtu huufikia baada ya kuji kamilisha mwenyewe ; ni sehemu ambamo mtu yuko chini ya utawala wa kudhibitiwa na Mungu moja kwa moja.




Mtu huingia utawala wa Mungu moja kwa moja anapohitimisha binafsi Msingi wa Nafasi Nne kwa kudhihirisha muungano wa mwili na akili chini ya utawala wa Mungu. Ni katika ufalme wa Mungu wa moja kwa moja ambamo mme na mke hufanya familia katika Msingi wa Nafasi Nne chini ya Mungu. Hivyo hivyo, ufalme wa utawala wa Mungu wa moja kwa moja ni ufalme ambamo kusudi la kumuumba mwanadamu hutimia.

Mungu aliviumba vitu vyote kwa ajili ya mwanadamu, kuwa chini ya utawala wa mwanadamu. Mtu mkamilifu ambaye yuko chini ya utawala wa Mungu, hutawala vitu vyote vinapokuwa vimepevuka. Huu ni utawala wa moja kwa moja wa mwanadamu kwa vitu vyote. Mungu huvitawala vitu vyote isivyo moja kwa moja kupitia mwanadamu.

D. Utawala wa Mungu usio wa moja kwa moja.

Mungu anatawalaje watu na vitu vyote wakati vikiwa katika kipindi cha ukuaji, katika hali ya uchanga? Mungu, akiwa mkamilifu, anatawala tu vitu vilivyo kamilika. Kwa hiyo, watu ambao wako kwenye hali hisiyo kamilifu hawawezi kuwa watendewa wa Mungu. Mungu aweza kutawala sio moja kwa moja, kupitia *Kanuni**. Kwa hiyo, kulingana na hali ya utawala, kipindi cha ukuaji ni *ufalme wa utawala usio wa moja kwa moja*. Mungu kama chanzo cha *Kanuni*, uhusiana na watu na vitu vingine kinyume na moja kwa moja wakati vikiwa vichanga, (t) akishughulika moja kwa moja tu na matokeo ya ukuaji kulingana na *Kanuni*, au utawala usio moja kwa moja wa Mungu.


Viumbe vyote mbali na mwanadamu hupitia kipindi cha ukuaji chini ya udhibiti huru wa *Kanuni*. Mtu, hata hivyo, hawi mkamilifu kupitia tendo la kujitawala la *Kanuni* peke yake, bali pia kwa kutimiliza wajibu wake kwa kufuata amri za Mungu. Katika kitabu cha Mwanzo 2 :17, Mungu alisema, “ ‘.....ya mti wa maarifa ya kujua mema na mabaya msile, siku mtakapokula mtakufa.’” Hii inaonyesha kuwa ni juu ya mwanadamu kutokula matunda na kujikamilisha mwenyewe. Kutotii kwa mwanadamu kwa neno la Mungu na kuanguka kwa mwanadamu vinafanywa kwa uhakika na mtu mwenyewe na sio Mungu.



Kwa hiyo, ukamilifu wa mtu hauwezi kukamilishwa kwa wajibu wa Mungu peke yake, hii ni kuwa, kupitia utawala binafsi wa *Kanuni* (u udhibiti wa Mungu katika kipindi cha ukuaji). Mtu hawezi kufikiria kuwa Mungu atachukua jukumu kwa ajili ya ukamilifu wa mtu yeyote; mtu atadhihirisha utimilifu wake pale tu atakapotimiza wajibu wake, japo huo wajibu ni mdogo saana unapolinganishwa na ule wa Mungu. Mtu alianguka kwa sababu alishindwa kutii amri za Mungu.

*Wakati inaindikwa na kuchapishwa katika italiki, 'Kanuni' inarejea sheria ya msingi ya ulimwengu ambayo inatokea kwa Mungu na kukaribia Uumbaji. Neno 'kutokua ndani ya Kanuni' inarejea ukiukwaji ya Kanuni.

(i) Wakati mtu anafikia ukamilifu, Mungu anakaa kati ya huyo mtu (1 Wakorinto : 3:16); hivyo inaweza semewa ya kwamba Mungu kweli huhusiana moja kwa moja na vitu vya ulimwengu.



Baada ya kuona matokeo ya mwanadamu ya kutotimiza wajibu wake - ambao ni, anguko - twaweza kujiuliza barabara kwa nini Mungu alimpa mwanadamu sehemu yake ya kuwajibika. Kwa ufupi, ilikuwa juu mwanadamu afaulu kama bwana wa ulimwengu. Haki ya kweli ya utawala wa moja kwa moja ni ya muumba tu. Zaidi ya hayo, Mungu alimtaka mtu, kiumbe, kuwa na utawala wa moja kwa moja kwa vitu vyote. Ili mtu aweze kuwa na haki ya utawala huu, Mungu alitaka kuwa na mtu, ambaye ni kiumbe, kurithi asili ya muumba. Hii ni kuwa Mungu angepata mtu wa kurithi asili uumbaji wake. Mtu alitakiwa kufanya hivyo kwa hiari akijihusisha kwenye uumbaji wake mwenyewe. Kwa ufupi, mtu hakamilishwi na *Kanuni* ya Mungu na uweza wake pekee. Wajibu wa mtu mwenyewe ni kiasili muhimu, ingawa ni mdogo unapolinganishwa na ule wa Mungu.

Mungu alimpa mtu wajibu ili aufikie ukamilifu. Hivyo, Mungu hawezi kuingilia kati wajibu wa mwanadamu. Mungu alimfanya mwanadamu ashiriki na ashirikiano naye katika kazi zake za uumbaji kwa sababu kwa kufanya hivyo mtu atakuwa mrithi wa haki wa Mungu. Hivyo, wajibu wa mtu ni neema ya thamani anayopewa na Mungu. Bado ni kwa sababu ya kushindwa kukamilisha wajibu wao mababu wahenga wa kwanza wa wanadamu walianguka. Kwa hivyo, wajibu wa mwanadamu ni kiasili muhimu katika nyakati za wokovu, ambapo kupitia wajibu huo Mungu hukomboa mtu aliyeanguka kurudia hali yake ya asili.

Mpango wa Mungu wa kuokoa umekuwa ukirefushwa kwa muda mrefu kwa sababu watu wateule wa vipindi vya Ukombozi wamekuwa wakishindwa kutimilisha majukumu yao, ambayo hata Mungu hawezi kuingilia. Kati kama ilivyoielezwa katika kitabu cha Yohana 3 :18, haijalishi ni kiasi gani cha baraka na upendo Mungu aweza kutoa, wokovu hauwezi kuja kwa wale wasiokuwa na imani. Mathayo 7 : 21 yasema, “‘sio kila aniambiaye Bwana, Bwana,’ ataingia kwenye ufalme wa mbinguni, bali kila atendaye mapenzi ya Baba yangu aliyeko Mbinguni. Hii yatuambia kuwa mtu atendaye ambayo Baba yake wa Mbinguni anayatamani ni jukumu lake mwenyewe. Kwa nini Mungu mwenye haki asiwape ambao hawaombi ? Kwa nini Mungu asiwezeshe ambao hawatafuti wapate na ambao wasiobisha hodi waingie ? Ni kwa sababu ni jukumu la mtu mwenyewe kutafuta na kubisha hodi, na Mungu hawezi kuingilia kati.

V. ULIMWENGU HALISI USIOONEKANA NA ULIMWENGU HALISI UNAOONEKANA, CHINI YA UTAWALA WA MWANADAMU.

A. Ulimwengu halisi usiionekana na ulimwengu halisi unaoonekana.

Ni muhimu mno kwa maisha yetu ya imani kwamba tuelewe kwa usahihi zaidi mambo yahusuyo maisha baada ya mtu kufariki na nafsi ya kiroho ya mtu. Na tuangalie kwa undani maswali haya : Mtu ana nafsi ya kiroho ? Ni nini uhusiano wa Ulimwengu wa kiroho na Ulimwengu wa kimwili ? Kama mtu ana nafsi ya kiroho inafananaje ? Ulimwengu wa kiroho ukoje ? Kuna uhusiano gani kati ya Ulimwengu wa kiroho na Ulimwengu wa kimwili ? Ni kanuni zipi zinatawala Ulimwengu wa kiroho ?

Taarifa nyingi zinakusanywa siku hizi katika uhusiano na Ulimwengu wa kiroho. Hata hivyo, haionekani kuwa rahisi kuelezea kwa ufasaha ama kuelewa vizuri hali ngumu na zisizofafanuliwa kwa wazi. Na matokeo yake, maswali muhimu yaliyotajwa hapo juu yamewachanganya na hata kuwaogofya watu wengi, na hii imeathiri maisha yao ya kidini. Maelezo ya mantiki ni muhimu kwa ajili ya ufafanuzi wa Ulimwengu wa kiroho unaoonekana ndani ya Biblia, Kama vile hatua tatu za kiroho zilizotajwa katika 2Wakorintho 12 :2, kuonekana kwa Musa na Eliya, pamoja na Yesu kwenye mlima alipobadilika sura, na mifano mingi inayohusu mbingu iliyoandikwa kwenye Kitabu cha Ufunuo.

Ulimwengu hauhusishi tu Ulimwengu unaoonekana unaoweza kulinganishwa na mwili wa mwanadamu ; bali pia unajumuisha Ulimwengu halisi usioonekana, unaoweza kulinganishwa na akili za binadamu. Ulimwengu halisi usioonekana ni Sung Sang ya Ulimwengu mkamilifu, na unaitwa Ulimwengu wa kiroho ; na Ulimwengu halisi usioonekana ni Hyung Sang ya Ulimwengu mkamilifu, na unaitwa Ulimwengu wa kimwili. Twaweza kuelewa uhusiano uliopo kati ya Dunia hizi mbili kwa kufikiria uhusiano kati ya akili na mwili. Miili yetu ina muda wake wa kuwapo, haiwezi kuzidi wakati wa sasa. Miili yetu ipo tu kwa nyakati, mwishowe huzeeka na kurudi udongoni. Akili zetu hazidhibitiwi na muda ; hakuna kizuizi cha muda chaweza kuzisimamisha akili. Akili zaweza kuakisi mambo yaliyopita na kuwapo kwa ajili ya wakati ujao, kama zinaona umuhimu huo, ni za milele.

Mwili wa kimaumbile huchukua nafasi inayopimika. Huchukua sehemu inayopimika kila wakati na hauwezi kuwa sehemu nyingine muda huo huo. Akili hata hivyo haiwi kwenye sehemu inayopimika. Akili haiachi alama zozote zinazo-onekana kwenye Dunia ya eneo na yaweza kuwa sehemu yoyote, kama inapenda kufanya hivyo. Akili haina mipaka kuwa yaweza kutanda Ulimwenguni kote ; kama itajitana kwa mapana na marefu yake.

Hivyo, mwanadamu anajumuisha mwili, ambao una mipaka na unakuwapo kwa muda mfupi tu, na akili, ambayo haina mipaka ni ya milele. Kikomo cha matendo cha mwili wenye mipaka, ni Ulimwengu unaoonekana na kikomo cha matendo kwa ajili ya akili isiyo na mipaka na iwayo milele ni Ulimwengu usioonekana. Kama ambavyo akili ya mwanadamu ni mtenda na mhamasishaji wa mwili, Ulimwengu halisi usioonekana ni mhamasishaji wa Ulimwengu halisi unaoonekana (Waebrania 8 :5).

B. Nafasi ya Mtu kwenye Ulimwengu Mkamilifu.

Sasa nini uhusiano wa mtu na Dunia hizi mbili ? Mwanzo 2 :7 inasema ".....Bwana Mungu alimfanya mtu kutokana na mavumbi ya ardhi,....." ambayo humaanisha kuwa Mungu aliuumba mwili wa mwanadamu kutokana na viasili vya msingi vya Ulimwengu halisi unao-onekana. Kuwa Mungu ".....akampulizia puani pumzi ya uhai" (Mwanzo 2 :7), humaanisha kuwa aliifanya roho ya mwanadamu kutokana na viasili muhimu vya Dunia ya kiroho kuunda kile ambacho katika Kanuni kinaitwa nafsi ya kiroho.


Nafasi ya mtu katika Ulimwengu mkamilifu, ni kama ifuatavyo. Kwanza kabisa Mungu alipanga kumfanya mtu kama mwakilishi mdogo kabisa wa Ulimwengu mkamilifu. Mungu aliu-umba Ulimwengu wote kwanza, lakini aliumba kwa kuzingatia mfano bora zaidi wa Sung Sang na Hyung Sang ya mtu halisi, ambaye alipanga kumuumba baadaye. Nafsi ya kiroho ya mwanadamu inajumuisha Ulimwengu halisi usioonekana, na mwili wake wa kimaumbile unajumuisha Ulimwengu halisi unaoonekana. Hivyo Mungu alimfanya mtu mwakilishi mdogo kabisa wa Ulimwengu wa Dunia zote halisi, inayoonekana na isiyoonekana. Hivyo mtu huitwa Dunia mbili kamilifu ndogo.

Pili, Mungu alimuumba mtu awe mtawala wa falme zote za Ulimwengu mkamilifu (Mwanzo 1:28, 1Wakorintho 6 :3). Kulielezea kwa namna nyingine, Mungu aliumba mwili wa mtu kutokana na viasili vinavyofanya Ulimwengu wa kiumbo, na alimpa mtu utawala juu ya Ulimwengu wa kimwili kupitia milango yake mitano ya fahamu ya kimwili. Vivyo hivyo, Mungu aliumba nafsi ya kiroho kutokana na viasili viufanyavyo Ulimwengu wa kiroho kupitia milango yake mitano ya fahamu. Mtu kwa asili aliumbwa na jozi mbili za milango ya fahamu, moja kwa ajili ya nafsi ya kimwili na nyingine kwa ajili ya nafsi ya kiroho. Kama matokeo ya anguko, milango hiyo ya fahamu ya kiroho ya mtu vilitiwa giza na mtu hakuweza kuwa na ufahamu wa Dunia ya kiroho, ambayo yaweza kueleweka tu kwa akili ya kiroho na mwili wa kiroho. Wale ambao milango yao ya fahamu ya kiroho imekombolewa tayari kwa neema ya Mungu na maisha ya dini wanaweza kuwa na uzoefu na Ulimwengu huu, ama kidogo tu au kwa jumla (Kitabu cha Ufunuo, 2Wakorintho 12 :2, Kujibadili Sura (Math. 17 :2)

Tatu, Mungu alimuumba mtu kuwa kiungo cha maingiliano na kitovu cha uhusiano mwema cha uumbaji. Dunia ya kiroho na Dunia ya kimwili haviwezi kuwasiliana moja kwa mmoja kati yao. Mwili wa mtu na roho yake vinapokuwa kitu kimoja kupitia Tendo la Kutoa na Kupokea, dunia ya kimwili na ya kiroho vitawasiliana kupitia mwanadamu.

Dunia ya Kimwili /Hyung Sang
Sang

Dunia ya Kiroho / Sung



1. Ulimwengu mdogo
2. Mtawala
3. Mpatanishi wa maelewano / kitovu cha uhusiano mwema

Kutokana na yaliyokwisha semwa hapo juu, twaweza kutoa muhtasari juu ya nafasi ya mtu katika uumbaji kama ifuatavyo : mtu ni mwakilishi mkamilifu wa Dunia ya kiroho na ya kimwili ; aliumbwa kuwa mtawala wa Dunia hizi mbili ; na kitovu cha uhusiano mwema wa Dunia hizi mbili. Hata hivyo kwa sababu ya anguko la mwanadamu, Uumbaji ulimpoteza mtawala wake na kitovu cha uhusiano mwema. Hivyo ,

.....uumbaji unangojea kwa hamu kubwa kudhihirishwa kwa wana wa Mungu;kwa maana viumbe vyote pia vinatazamia kwa shauku nyingi kufunuliwa kwa wana wa Mungu. Kwa maana viumbe vyote viliitishwa chini ya ubatilisho kwa hiari yake ,ila kwa sababu yake yeye..... Aliyekiitisha katika tumaini ;Kwa kuwa viumbe vyenyewe vitawekwa huru na kutolewa katika utumwa wa uharibifu,hataviingie katika uhuru wa utukufu wa watoto wa Mungu. Kwa maana twajua ya kuwa viumbe vyote pia vinaugua pamoja hadi sasa..... (Warumi, 8 : 19-23)

C. Uhusiano kati ya nafsi ya kiroho na nafsi ya kimwili.

1. Muundo na ufanyaji kazi wa mwanadamu.

(a) Nafsi ya kimwili


Nafsi ya kimwili hujumuisha akili ya kimwili na mwili wa umbo. Akili ya kimwili ni mtenda katika nafsi ya kimwili, ikiziongoza kazi za viungo vya mwili katika kuishi, kuzaliana na kutenda. Hivyo, akili ya kimwili hufananishwa na msukumo wa tabia ya asili yamnyama, ikidhihirisha matamania ya namna hiyo kama matamania ya kustawisha na matamania ya kuzaliana. Mwili wa kimaumbile hujumuisha viungo mbalimbali, misuli, na mifupa. Ili nafsi ya kimwili ya mtu ikue katika afya nzuri, ni lazima ipate hewa na mwanga wa jua ; ambavyo ni viini lishe chanya (yang) vya asili na pia hula vyakula

mbalimbali na maji ambavyo ni viini lishe hasi vya asili. Nafsi ya kimwili hurejesha viasili bora kwa nafsi ya kiroho.

(b) Nafsi ya kiroho

Nafsi ya kiroho iliumbwa ili iwe mtenda wa nafsi ya kimwili ; na hii yaweza kueleweka vizuri kupitia hisia za kiroho. Hata kama mtu atakuwa na imani ya kuwapo kwa nafsi ya kiroho kama matokeo ya maisha yake ya imani, kwa vile watu wa anguko wamekuwa na ukuaji mdogo sana hisia za kiroho, bado ana maswali mengi kuhusu kinachotokea kwa nafsi ya kiroho baada ya utengano wake na nafsi ya kimwili baada ya kifo. Inapotenganishwa na nafsi ya kimwili, roho hupotea kama moshi ? Ni roho peke yake inayoacha nafsi ya kimwili ? Inaenda kwenye Ulimwengu wa kiroho na muundo wake halisi ? Kama inaenda kwenye Ulimwengu wa kiroho inapotelea ndani ya Mungu au inachukua sehemu yake katika Ulimwengu wa kiroho ? Kama ndivyo, roho inafananaje ?

Kufuatana na Kanuni, kama ilivyo kwa kila mtu ana nafsi yake ya kimwili , pia ana ya roho yake kamili ; hivyo hiyo roho kamili inaitwa nafsi ya kiroho. Nafsi ya kiroho inafanana katika mwonekano na nafsi ya kimwili, na yaweza kuwasiliana na Mungu moja kwa moja baada ya kuwa timilifu. Baada ya kuuacha mwili wakati wa kufa, nafsi ya kiroho huishi milele katika dunia ya kiroho. Mtu anatamani kuishi milele kwa sababu ana nafsi ya kiroho ambayo ina asili ya umilele. Nafsi ya kiroho inajumuisha akili ya kiroho na mwili wa kiroho. Akili ya kiroho ni kitovu cha nafsi ya kiroho, ikiongoza maisha, upendo, na mawazo bora ya milele ya mtu. Akili ya kiroho hufanya kazi ili mtu aishi maisha ya thamani, akitafuta ukweli, uzuri na upendo. Akili ya kiroho ni kiini cha nafsi ya kiroho, ni mtenda wa mwili wa kiroho, na sehemu ambapo Mungu aweza kukaa. Mwili wa kiroho ni mwili wa nafsi ya kiroho, kama ilivyo kwa mwili wa maumbile ni mwili wa nafsi ya kimwili.



Nafsi ya kiroho huhitaji viini lishe kwa ajili ya ukuaji na ukamilifu. Viini lishe chanya (yang) kwa ajili ya kiroho ni viasili vya uhai kutoka kwa Mungu. Kiasili cha uhai kutoka kwa Mungu ni kiasili cha msingi kinachokuza moyo ndani ya mwanadamu na humwendeleza kuwa kiumbe wa kweli. Kwa

upande mwingine, viini lishe hasi (um) kwa ajili ya ukuaji wa nafsi ya kiroho ni kiasili cha thamani kinachotoka kwenye nafsi ya kimwili. Nafsi ya kimwili inapofanya kazi (inapotenda) kulingana na Neno la Mungu, hutoa kiasili cha thamani cha ukuaji kwa ajili ya nafsi ya kiroho. Nafsi ya kiroho haipokei tu viasili vya thamani kutoka kwa nafsi ya kimwili bali pia hutoa kiasili cha aina fulani kinachoitwa kiasili cha kiroho. Kiasili cha kiroho ni kiasili kinachotoa raha na nguvu kwa nafsi ya kimwili.

(c) Uhusiano kati ya nafsi ya kiroho na nafsi ya kimwili.

Kama ilivyokwisha elezwa hapo juu uhusiano kati ya nafsi ya kiroho na nafsi ya kimwili ni ule wa mtenda na mtendewa, ambapo nafsi ya kiroho inakua na kujikamilisha yenyewe katika msingi wa uhusiano wake na nafsi ya kimwili. Ubora wa maisha ya kimwili ya mtu hubadilishwa kuwa kiasili cha thamani na kuhamishwa katika nafsi ya kiroho. Hivyo, ubora wa nafsi ya kiroho unategemea ubora wa maisha ya kimwili. Vivyo hivyo nafsi inayopokea jumla ya viasili bora kutoka kwa nafsi ya kimwili huwa kiumbe cha wema, ambapo nafsi ya kiroho inayopokea viasili viovu kutoka kwa nafsi ya kimwili itakuwa ya uovu. Ili nafsi ya kiroho ya uovu iwe ya wema, mtu huyo inambidi atubu akiwa angali hai, roho ya uovu ya mtu inafanywa ya wema kwa kupokea viasili vya thamani kupitia toba yake na imani yake katika neno la Mungu.

Hali ya muhimu zaidi ya nafsi ya kiroho ambayo inahitaji kukamilishwa (kupata ukamilifu)kupitia nafsi ya kimwili ni mwitiko wa mtu mwenyewe kwa upendo wa Mungu. Imekwisha elezwa kuwa kusudi la Mungu la uumbaji linatimizwa kupitia familia (Msingi wa Nafasi Nne, msingi muhimu ambamo uhalisi wake wa upendo waweza kukaa). Kwa hiyo, ni mtu wa kiroho pekee, ambaye akiwa angali Duniani ametimiza mwitiko wake kwa ukamilifu kabisa kupenda kama mtoto, kama mume au mke, na kama mzazi, vyote chini ya utawala wa Mungu aweza kwenda (kuingia) kwenye ufalme wa Mbinguni katika Uimwengu wa kiroho. Ufalme wa Mbinguni unatawaliwa na kuhusiana vema katika upendo wa Mungu ; ni sehemu ambamo kila kiumbe kinaridhika kupitia upendo wa Mungu.

Viumbe vyote hufikia ukamilifu kupitia hatua tatu za ukuaji. Kwa kuzingatia nafsi ya kimwili, nafsi ya kiroho ya mtu pia hupitia hatua tatu za ukuaji. Nafsi ya kiroho katika hatua yake ya mwanzo inaitwa roho ya muundo ; katika hatua ya kukua inaitwa roho ya uhai, na katika hatua ya ukamilisho inaitwa (roho ya utakatifu).

Uhusiano kati ya nafsi ya kimwili na nafsi ya kiroho ni kama ule kati ya mti na tunda lake. Tunda lilivyoiva huvunwa na vishina vyake hurudi ardhini. Vivyo hivyo, kwa nafsi ya kiroho, iliumbwa kuishi kwa milele, baada ya kutengana na nafsi ya kimwili, hubaki na kuishi milele katika Ulimwengu wa kiroho, ambapo mwili hurudi udongoni. Wengi huamini mtu hufa kwa sababu alianguka (alitenda dhambi) lakini hii sio sahihi. Mungu alionya katika kitabu cha Mwanzo 2 :17 kuwa ‘.....siku utakayokula utakufa’ Adam na Hawa walikufa kama matokeo ya kula tunda la mti wa ujuzi wa mema na mabaya. Hata hivyo baada ya Adam na Hawa walipoanguka, waliishi kwa miaka mia nyingi hapa Duniani na wakazaa watoto. Hii ina maana kuwa kifo kilichosababishwa na anguko sio kifo ambacho miili ya kiumbo hurudi udongoni. Mara tu baada ya Babu wa kwanza kutenda dhambi (alipoanguka) kwa kutotii neno la Mungu, roho ambazo zingeweza kuwasiliana na Mungu, hazikufanya hivyo tena ; Mhubiri 12 :7 anasema, ‘.....nayo mavumbi huirudia nchi kama yalivyokuwa, nayo roho humrudia

Mungu aliyetoa'. Hii inaonyesha kuwa kurudi kwa nafsi ya kimwili inaendana sawa na mpango wa uumbaji. Ufafanuzi zaidi juu ya mada hii utatolewa baadaye katika sura ya 'Ufufuo'.

Mtu anapoishi katika nafsi yake ya kimwili kulingana na mpango wa Mungu wa uumbaji, atakuwa akiishi katika ufalme wa Mbinguni Duniani, na Ulimwengu ambamo nafsi yake ya kiroho iliyokamilika itakwenda baada ya maisha yake Duniani itakuwa katika ufalme wa Mbinguni kwenye Dunia ya kiroho.


Hata hivyo, kwa vile Kusudi la Mungu la Uumbaji, ni lazima lidhihirishwe hapa Duniani, dhumuni lake la kwanza katika kazi zake za wokovu, lazima itakuwa ni mtu hapa Duniani. Hivyo, Mungu amekuwa mara kwa mara akituma manabii wake kwenye Ulimwengu huu usio na imani na hata ali mtuma Masihi mwenyewe Duniani. Matumizi ya kutatanisha ya maisha ya kimwili (na nafsi) ndiyo maana Biblia hufundisha kuwa “.....Utakacho funga Duniani kitafungwa Mbinguni’ na ‘utakachofungulia Duniani na Mbinguni kimefunguliwa” (Ufasaha uliongezwa) (Math. 18 :18) ; na kwa nini inatufundisha kuomba mapenzi ya Mungu kwa viumbe yatimizwe Duniani (Math. 6 :10).

Sio Mungu anayeamua mtu wa kiroho aende kwenye Ufalme wa Mbinguni ama Jehanamu. Ni mtu mwenyewe ambaye hudhihirisha hili kupitia maisha yake ya kila siku akiwa katika mwili wa kiumbo Duniani. Kila mtu huenda Dunia ya kiroho katika nafasi ambayo nafsi yake ya kiroho ilikuwa imefikia wakati akiwa Duniani. Mungu, Masihi na dini waweza tu kutufundisha njia ya kuiepuka Jehanamu na kutuonyesha njia ya kwenda kwenye ufalme wa Mbinguni. Iwe ama isiwe amepokea mafundisho ya Mungu, na ya kanisa, ni jukumu la mtu binafsi.

Kwenye Ulimwengu ambamo kusudi la uumbaji linatimizwa, shetani, dhambi na jehanamu haviwezi kuwapo. Katika uhalisi wa Mungu, wa uumbaji ni Mbingu tu zilitakiwa kuwapo. Lakini kwa sababu ya dhambi, mtu alipoteza thamani yake ya asili na akawa kama takataka. Sehemu ambayo hizi taka taka zinapotupwa ndipo huitwa jehanamu.


2. Akili ya Binadamu katika uhusiano kati ya akili ya kiroho na akili ya kimwili.

Uhusiano kati ya akili ya kiroho ni wa Sung Sang (tabia za ndani) na Hyung Sang (muundo wa nje). Akili ya kiroho, ambayo ni mtenda, na mwili wa kiroho, ambao ni mtendewa, vinapokuwa kitu kimoja kupitia tendo la kutoa na kupokea, akili ya kibinadamu huundwa. Ndani ya mtu mkamilifu tendo kamilifu la kutoa na kupokea chini ya utawala wa Mungu hufanyika na huungana, na kuunda kitu ambacho huitwa akili ya awali (ya asili). Akili ya asili ya mtu muda wote humwongoza kuelekea mapenzi ya kusudi la Mungu. Mwili unaporudi udongoni, akili ya kimwili hukoma (hufikia tamati) bali akili ambayo huundwa kutokana na mwingilio wa akili ya kiroho na akili ya kimwili hubakia ndani ya nafsi ya kiroho.



Akili ya kiroho na akili ya kimwili huwa na mahusiano katika tendo la kutoa na kupokea na huungana chini ya utawala ambao mwanadamu anafikiria ni wa kweli.

Tunauita huu muungano ; dhamira ya mtu. Mtu mkamilifu mara nyingi husimamia ukweli mtimilifu. Kwa hiyo, akili ya asili na dhamira visielekezwe katika mielekeo miwili tofauti, bali viunganishwe. Hii ni kwamba akili ya asili na dhamira inabidi viwe na uhusiano kama hali ya ndani na ya nje na mara zote humwelekeza mtu katika kusudi la Mungu na nia ya Mungu ya wema. Mtu wa anguko bado anayo akili ya asili ndani yake ambayo humwongoza kwenye wema. Hata hivyo, mtu wa anguko amepoteza kiwango halisi cha wema, na kwa hiyo viwango vyao vya dhamira vimekuwa tofauti kati yao kulingana na maoni yao juu ya upi ndiyo ukweli. Kila ambapo wazo tofauti au elimu ya dini inapotolewa, mwelekeo tofauti wa dhamira utakuwapo.



Pia kwa sababu mtu amekuwa chini ya utawala wa shetani kama matokeo ya anguko, akili yake ya kiroho haiwezi kwa usahihi kupokea kiasili cha uhai kutoka kwa Mungu na hivyo amebakia mchanga. Akili ya kiroho ya namna hiyo haiwezi kuwa katika nafasi ya mtenda kwa akili ya kumwili na badala yake imetawaliwa na akili ya kimwili. Na wakati ambapo hii akili ya kiroho iliyo changa huwa na tendo la kutoa na kupokea na akili ya kimwili ambayo iko chini utawala ya shetani, akili nyingine huzaliwa, ambayo huelekeza kwenye uovu. Tunaita akili hii akili ya uovu, Akili ya asili na dhamira ya mwanadamu hupigana dhidi ya akili ya uovu, ambayo ni kinyume na mapenzi ya Mungu na mwelekeo na humwelekeza mtu kwenye wema.